

## AKTIVNOSTI CENTRA ZA ISTRAŽIVANJE MODERNE I SAVREMENE HISTORIJE TUZLA U 2021. GODINI ACTIVITIES OF CENTER FOR RESEARCH OF MODERN AND CONTEMPORARY HISTORY TUZLA IN 2021.

DOI: <https://doi.org/10.52259/historijskipogledi.2022.5.8.471>

U toku 2021. godine Centar za istraživanje moderne i savremene historije Tuzla (CIMOSHIS Tuzla) je djelovalo u skladu sa utvrđenim planovima i programima, iako je pandemija uzrokovana virusom COVID-19, prouzrokovala da se neki događaji ne realizuju, onako kako su bili definisani planom i programom rada. U skladu sa navedenim realizovani su slijedeći naučni i kulturni sadržaji, od izložbi, izdavačke djelatnosti, promocija knjiga, organizacije i realizacije stručnih i naučnih skupova, obilježavanje značajnih datuma i dr.

### Realizacija naučnih skupova

U toku 2021. godine CIMOSHIS Tuzla je skladu sa Programom rada za 2021. godinu, pripremilo i realizovalo slijedeće Programom rada planirane skupove:

- Organizacija Naučne manifestacije „Historijski pogledi 4“ u okviru koje je održana Međunarodna Naučna konferencija *Bosna i Hercegovina i Drugi svjetski rata – 80. godina poslije. Objektivizam ili revizionizam*, Tuzla, 19. i 20. 11. 2021. godine.

*Naučna manifestacija „Historijski pogledi 4“ u okviru koje je održana Međunarodna Naučna konferencija „Bosna i Hercegovina i Drugi svjetski rata – 80. godina poslije. Objektivizam ili revizionizam, Tuzla, 19. i 20. 11. 2021. godine<sup>1</sup>*

Centar za istraživanje moderne i savremene historije Tuzla je 19. i 20. novembra 2021. godinu održao Naučnu manifestaciju „Historijski pogledi 4“ u okviru koje je realizirana Međunarodna naučna konferencija pod nazivom *Bosna i Hercegovina i Drugi svjetski rat – 80. godina poslije. Objektivizam ili revizionizam*. Ista je održana 19. i 20. novembra 2021. godine u konferencijskoj sali Hotela „Vertigos“ u Tuzli. Međunarodna naučna konferencija je održana s

---

<sup>1</sup> Više vidi: Jasmin Jajčević, Izvještaj sa Naučne manifestacije „Historijski pogledi 4“, Tuzla, 19. i 20. novembar 2021. godine, *Historijski pogledi*, god. V, br. 7, Tuzla 2022, 503-509. (<https://doi.org/10.52259/historijskipogledi.2022.5.7.503>).

ciljem podsjećanja na uzroke i posljedice Drugog svjetskog rata po Bosnu i Hercegovinu, obnovu njene državnosti (zasijedanja ZAVNOBiH-a), te istraživanju Drugog svjetskog rata, sa pozicije objektivizma ili revizionizma.



Prilog 1. Plakat Naučne manifestacije „Historijski pogledi 4“.

ratištima i okupiranim područjima na kojima se razvio organizirani oružani otpor (Slovenija, Hrvatska, Bosna i Hercegovina, Srbija, Crna Gora, Makedonija, Grčka, Albanija, Francuska, Poljska, Bjelorusija, Ukrajina, okupirani dijelovi Rusije i Kina), Drugi svjetski rat obilježila su masovna stradanja civilnoga stanovništva u gradovima (bombardiranje Varšave, Rotterdama, Beograda, Londona, Lenjingrada, Staljingrada, Moskve, Berlina, Frankfurta, Hamburga, Münchena, Nürnberga, Dresdena, Tokyja, Hiroshime, Nagasakija i mnogih drugih gradova), masovna pogubljenja velikoga broja ljudi na okupiranim područjima istočnoevropskih i azijskih država te sustavna istrjebljenja (genocid) cijelih naroda (Jevreji, Romi) u fašističkim i nacističkim koncentracionim logorima i logorima smrti. Prema procjeni, u nacističkim logorima smrti ubijeno je približno 10 miliona ljudi, od čega između 5,5 i 6 miliona Jevreja.

Bosna i Hercegovina bila je zahvaćena ratom od aprila 1941. do maja 1945. godine. Na njezinom tlu sukobljavale su se različite vojne formacije. Na strani Saveznika bio je Narodnooslobodilački pokret Jugoslavije. Rat je ostavio strahovite posljedice za državu i društvo. Bosna i Hercegovina, koja je bila centar

Drugi svjetski rat bio je vojni sukob između članica sila Osovine (Trojnoga pakta) – Njemačke, Italije i Japana te njima pridruženih saveznika: Mađarske, Rumunije, Bugarske, Finske, Srbije, NDH i dr, i Saveznika – SSSR-a, SAD-a, Velike Britanije i Francuske te zemalja koje su im se pridružile: Kanade, Australije, zemalja Latinske Amerike i drugih. Rat je trajao od 1. septembra 1939. do 2. septembra 1945. U njemu je sudjelovala 61 od ukupno 67 svjetskih država, a sam rat vodio se na teritoriji 40 država.

Od približno 110 miliona ljudi, sudionika rata, oko 50 miliona je poginulo, a 35 miliona ranjeno. Osim velikih ljudskih gubitaka na

NOP-a, imala je ogromne materijalne i ljudske gubitke. U Jugoslaviji je, prema procjenama, tokom Drugoga svjetskog rata poginulo između 1.014.000 i 1.027.000 ljudi, a u Bosni i Hercegovini oko 316.000 ljudi.

Smatrano je da historijska, i druge humanističke i društvene nauke, treba da se profesionalno, uvažavajući historijske činjenice, bave Drugim svjetskim ratom. Jer, samo Nauka "oslobođena" političkih, ideoloških i drugih stega, može doći do historijske istine kao krajnjeg cilja profesionalnog historijskog/naučnog istraživanja. Imajući u vidu sve navedeno, te činjenicu da je Drugi svjetski rat odlučujuće uticao na politička, društvena i privredna kretanja u Evropi i Svijetu, te prostoru Balkana i Bosne i Hercegovine, smatrali smo da ovo pitanje zaslužuju da bude predmet valorizacije na Naučnoj konferenciji.

Realizaciju Naučne manifestacije „Historijski pogledi 4“, finansijski je podržalo Federalno ministarstvo obrazovanja i nauke, kao i sponzor BH Telecom.

Riječ je o Međunarodnoj naučnoj konferenciji visokog nivoa sa međunarodnog učešćem, na kojem učešće, pored naučnika iz Bosne i Hercegovine, uzimaju vrsni naučnici iz nekoliko evropskih zemalja (Bugarska, Makedonija, Crna Gora). Prije početka naučne konferencije prisutnima se obratio prof. dr. Sead Selimović, izvršni direktor CIMOSHIS-a i predsjednik Naučno-organizacionog odbora. Moderator konferencije bio je mr. sc. Omer Zulić. Da je riječ o veoma ozbiljnom naučnom sadržaju edukativnog karaktera najbolje potvrđuju broj ušesnika za međunarodnu naučnu konferenciju (sedamnaest).

Prvog dana je održano predstavljanje izdanja Centra za istraživanje moderne i savremene historije Tuzla publikovanih u 2021. godini i to: i to:

- *Za jedinstvo domovine i slavu dinastije: Školstvo u Bosni i Hercegovini za vrijeme Kraljevine Srba, Hvata i Slovenaca*, autor, prof. dr. Seada Selimovića (promotor: prof. dr. Omer Hamzić);
- *Veliki zaokret-Bosna i Hercegovina u vremenu tranzije*, autor, prof. dr. Senaid Hadžić (promotor: prof. dr. Adnan Velagić);
- *Tvrda kora i krave brazde-Agrarna reforma i kolonizacija u Bosni i Hercegovini od 1945. do 1948*, autor, prof. dr. Izet Šabotić, (promotor: dr. sc. Senija Milišić),
- te časopis: *Historijski pogledi, br. 5. i br. 6.* (promotor: prof. dr. Izet Šabotić).

Planirana problematika koja je prezentovana na Međunarodnoj naučnoj konferenciji bila je podijeljena u dvije sesije:

### Prva sesija

1. Dr. sc. Senija MILIŠIĆ, Univerzitet u Sarajevu (Bosna i Hercegovina) *Izučavanje tema iz Drugog svjetskog rata.*
2. Prof. dr. Izet ŠABOTIĆ, Filozofski fakultet Univerziteta u Tuzli (Bosna i Hercegovina), *Historijski izvori pravosudne provenijencije -*

“mogućnost revizije i stvaranja novog narativa o događajima iz Drugog svjetskog rata”.

3. Prof. dr. Adnan VELAGIĆ, Fakultet humanističkih nauka Univerziteta „Džemal Bijedić“ Mostar (Bosna i Hercegovina), *Junski ustanak u Hercegovini 1941. Godine.*
4. Mr. sc. Osman SUŠIĆ, Fakultet političkih nauka Univerziteta u Sarajevu (Bosna i Hercegovina), „Antifašizam“ na srbijanski način – istina o spašavanju savezničkih pilota i posada aviona na jugoslovenskom ratištu 1943 – 1945.
5. Doc. dr. Dženan DAUTOVIĆ, Zavičajni muzej Travnik, Filozofski fakultet Tuzla - Pedagoški fakultet Bihać (Bosna i Hercegovina), *O praishodištu: bosanska srednjovjekovna prošlost kao polje djelovanja revizionističkih procesa tokom Drugog svjetskog rata i njihova valorizacija u modernoj medievistici.*
6. Prof. dr. Omer HAMZIĆ, Izdavačka kuća „Monos“ Gračanica (Bosna i Hercegovina) *Blajburg i Bošnjaci – kroz rezultate dosadašnjih istraživanja ratnih stradanja na području Gračanice i narodnu memoriju: objektivizam ili revizionizam?*
7. Doc. dr. Zečir Ramčilović, Institut za nacionalnu historiju Skoplje (Sjeverna Makedonija), *Revizionizam i (zlo)upotreba historije od strane Bugarske prema Sjevernoj Makedoniji i njenoj integraciji u Europskoj uniji.*
8. Mr. sc. Sait S. ŠABOTIĆ, Filozofski fakultet Nikšić (Crna Gora), *Doprinos novootkrivenih izvora novim pogledima na prošlost Sandžaka u toku i nakon Drugog svjetskog rata.*
9. Mr. sc. Omer ZULIĆ, Arhiv Tuzlanskog kantona Tuzla (Bosna i Hercegovina), *Značaj zbirke Radnički pokret i NOB za istraživanje Drugog svjetskog rata na području sjeveroistočne Bosne.*

### Druga sesija

1. Prof. dr. Sead SELIMOVIĆ, Filozofski fakultet Univerziteta u Tuzli (Bosna i Hercegovina) *Saradnja četnika i ustaša u Drugom svjetskom ratu: zbilja ili mit.*
2. Mr. Hamza MEMIŠEVIĆ, doc. dr. Ermin KUKA, Univerzitet u Sarajevu (Bosna i Hercegovina) *Jugoslavenski komunisti i borba za oslobođenje.*
3. Doc. dr. Marijana STAMOVA, Institut za balkanistike sa Centrom za trakologiju Bugarska akademija nauka (Bugarska), *Albanci na Balkanu tokom Drugog svjetskog rata.*
4. Dr. sc. Amir KLIKO, Institut za istraživanje zločina protiv čovječnosti i međunarodnog prava Univerziteta u Sarajevu (Bosna i Hercegovina) *Četnički i ustaški zločini u srebreničkom kraju 1941-1945. i bošnjački antifašizam.*

5. Doc. dr. Izet HADŽIĆ, Ahmed HADŽIĆ, Filozofski fakultet Univerziteta u Tuzli (Bosna i Hercegovina) *Zločini i stradanja stanovništva na širem području Tuzle u Drugom svjetskom ratu (1941-1945)*.
6. Mr. Alen ZEČEVIĆ, Fakultet humanističkih nauka Univerzitet „Džemal Bijedić“ Mostar (Bosna i Hercegovina) *Osporavanje Prvog zasjedanja ZAVNOBiH-a u službi politika derogiranja bosanskohercegovačke državnosti u postdejtonskom periodu*.
7. Dr. sc. Meldijana ARNAUT HASELJIĆ, Institut za istraživanje zločina protiv čovječnosti i međunarodnog prava Univerziteta u Sarajevu (Bosna i Hercegovina), *Genocid(i) u Drugom svjetskom ratu – ka konvenciji o genocidu (ishodišta, definiranje, procesuiranja)*
8. Mr. Jasmin JAJČEVIĆ, Centar za istraživanje moderne i savremene historije Tuzla (Bosna i Hercegovina), *INFORMBIRO: Kako je „uzdrman“ komunizam poslije Drugog svjetskog rata*.



Prilog 2. Učesnici Naučne manifestacije „Historijski pogledi 4“.

Utjecaj Drugog svjetskog rata po Bosnu i Hercegovinu, predstavlja na neki način dodatno educiranje i podizanje svijesti kod mladih historičara, pa i studenata o važnosti i značaju njihovih utjecaja, ciljeva i pretenzija na Bosnu i Hercegovinu. Naučna konferencija treba da bude podstrek svim budućim historičarima, da kontinuirano prate i održavaju naučne skupove iz historije Bosne i Hercegovine, osobito iz oblasti političkih, društvenih, privrednih, kulturnih i prosvjetnih prilika procesa i utjecaja Drugog svjetskog rata na iste, odnosno na uzroke i posljedice Drugog svjetskog rata po Bosnu i Hercegovinu. Naučna konferencija treba da podstakne na razmjenu iskustava sa naučnicima iz drugih susjednih zemalja o historijskim procesima u Bosni i Hercegovini, da tragaju i istražuju nove historijske činjenice o tih događajima koji su obilježili historiju Bosne i Hercegovine.

Potreba za educiranje i podizanje svijesti kod mladih historičara istraživača i studenata o važnosti Drugog svjetskog rata po Bosnu i Hercegovinu kroz historiju, zatim kontinuirano praćenje i održavanje značajnih naučnih skupova iz historije Bosne i Hercegovine, osobito iz oblasti utjecaja Drugog svjetskog rata na Bosnu i Hercegovinu, razmjena iskustava sa naučnicima iz drugih susjednih zemalja o historijskim procesima u Bosni i Hercegovini, upoznavanje sa novim historijskim činjenicama na osnovu novih historijskih izvora, upoznavanje i razmjena iskustava na polju razvoja novih tehnologija po pitanju dostupnosti digitalnih historijskih izvora o prošlosti Bosne i Hercegovine u ustanovama/institucijama u zemlji i okruženju.

Promocija izdanja Centra za istraživanje moderne i savremene historije Tuzla publikovanih u 2021. godine, te promocija časopisa „Historijski pogledi” i upoznavanje prisutnih sa njegovom koncepcijom, sadržajem i značajem za moderne i savremenu historiju. Upoznavanje stručne, naučne i šire javnosti o uspjesima Centra za istraživanje moderne i savremene historije Tuzla i značaju pokretanja časopisa „Historijski pogledi”, koji prezentira naučne radove iz područja moderne i savremene historije.

### Izdavačka djelatnost

U okvirima izdavačke djelatnosti u 2021. godini, CIMOSHIS Tuzla je publikovao slijedeće:

1. *Tvrda kora i krvave brazde: Agrarna reforma i kolonizacija u Bosni i Hercegovini od 1948. do 1948. godine*, (Izet Šabotić), Tuzla 2021, 369 str.<sup>2</sup>
2. *Veliki zaokret: Bosna i Hercegovina u vremenu tranzicije (od 1880-ih do 1950-ih)*, (Senaid Hadžić), Tuzla 2021, str. 493.<sup>3</sup>
3. *Za jedinstvo domovine i slavu dinastije: Školstvo u Bosni i Hercegovini za vrijeme Kraljevine Srba, Hrvata i Slovenaca*, (Sead Selimović), Tuzla 2021, str. 442.<sup>4</sup>

<sup>2</sup> Vidi: Ibrahim Kabil, Prikaz: Izet Šabotić, *Tvrda kora i krvave brazde: Agrarna reforma i kolonizacija u Bosni i Hercegovini od 1945. do 1948. godine*, Centar za istraživanje moderne i savremene historije Tuzla, Tuzla 2021, 369 str, *Historijski pogledi*, god. IV, br. 6, Tuzla 2021, 364-370. (<https://doi.org/10.52259/historijskipogledi.2021.4.6.364>); Omer Zulić, Prikaz: Izet Šabotić, *Tvrda kora i krvave brazde: Agrarna reforma i kolonizacija u Bosni i Hercegovini od 1945. do 1948. godine*, Centar za istraživanje moderne i savremene historije Tuzla, Tuzla 2021, 369 str, *Arhivski pogledi*, god. II, br. 2, Tuzla 2021, 285-288.

<sup>3</sup> Izet Šabotić, Prikaz: Senaid Hadžić, *Veliki zaokret: Bosna i Hercegovina u vremenu tranzicije (od 1880-ih do 1950-ih)*, Centar za istraživanje moderne i savremene historije Tuzla i Arhiv Tuzlanskog kantona, Tuzla 2021, 493 str, *Historijski pogledi*, god. IV, br. 6, Tuzla 2021, 371-377. (<https://doi.org/10.52259/historijskipogledi.2021.4.6.371>).

<sup>4</sup> Semir Hadžimusić, Prikaz: Sead Selimović, *Za jedinstvo domovine i slavu dinastije. Školstvo u Bosni i Hercegovini za vrijeme Kraljevine Srba, Hrvata i Slovenaca*, Centar za istraživanje

4. Časopis *Historijski pogledi*, god. IV, br. 5, Tuzla 2021, str. 347.<sup>5</sup>
5. Časopis *Historijski pogledi*, god. IV, br. 6, Tuzla 2021, str. 425.<sup>6</sup>



Prilog 3. Izdanja CIMOSHIS-a Tuzla u 2021. godini..

Potrebno je istaći da je Izdavač Centar za istraživanje moderne i savremene historije Tuzla, donio odluku da se publikuju dva broja časopisa „Historijski pogledi“ u toku godine.

moderne i savremene historije Tuzla, Tuzla 2021, 442 str, *Historijski pogledi*, god. IV, br. 6, Tuzla 2021, 359-363. (<https://doi.org/10.52259/historijskipogledi.2021.4.6.359>); Adnan Tinjić, Prikaz: Sead Selimović, *Za jedinstvo domovine i slavu dinastije*. Školstvo u Bosni i Hercegovini za vrijeme Kraljevine Srba, Hrvata i Slovenaca, Centar za istraživanje moderne i savremene historije Tuzla, Tuzla 2021, 442 str, *Arhivski pogledi*, god. II, br. 2, Tuzla 2021, 280-284.

<sup>5</sup> Jasmin Jajčević, Prikaz: *Historijski pogledi/Historical Views*, God./Vol. IV, Br./No. 5, Cimoshis Tuzla, Tuzla 2021, *Journal of Balkan Studies*, Vol. 2, No. 1, Skoplje 2022, 121-126

<sup>6</sup> Adnan Tinjić, Prikaz: *Historijski pogledi/Historical Views*, god/vol. IV, br/no. 6, Centar za istraživanje moderne i savremene historije Tuzla, Tuzla 2021, 425 str, *Arhivski pogledi*, god. II, br. 2, Tuzla 2021, 294-300.

Neophodno je naglasiti da je navedene projekte CIMOSHIS Tuzla sam realizovao. Kroz ova izdanja članovi CIMOSHIS aktivno su učestvovali u dijelu uređenja, lekture, korekture, prijeloma, prevoda, recenzije itd, odnosno da CIMOSHIS Tuzla nije bio samo izdavač, nego i učesnik u cjelokupnoj pripremi izdavačkih projekata.

Također, potrebno je istaći časopis „Historijski pogledi“ indeksiran je u tridesetosam (38) međunarodnih baza: SCOPUS; C.E.E.O.L - Central and Eastern European Online Library; ERIH PLUS - European Reference Index for the Humanities and Social Science; DOAJ - Directory of Open Access Journals; Crossref – DOI; HeinOnline; MIAR – Information Matrix for the Analysis of Journals; ROAD - Directory of Open Access scholarly Resources; ICI - Index Copernicus International; EuroPub – Directory of Academic and Scientific Journals; ESJI - Eurasian Scientific Journal Index; SIS - Scientific Indexing Services; Slavic Humanities Index with full text; ISI- International Scientific Indexing; ASI- Advanced Sciences Index; ResearchBib – Academic Resource Index; CiteFactor – Academic Scientific Journals; DRJI - Directory of Research Journals Indexing; OAJI - Open Academic Journals Index; Google Scholar - Bibliographic database; Electronic Journals Library of University of Regensburg; OCLC - Online Computer Library Center – WorldCat; BASE - Bielefeld Academic Search Engine; Academia.edu; ResearchGate.net; OpenAIRE; GIF - General Impact Factor; Semantic Scholar; ScienceGate: Academic Search Engine; Microsoft Academic Search; JISC Sherpa Romeo; Dimensions Digital Science; Scilit - Scientific Literature; OUCI - Open Ukrainian Citation Index, Ulrichs Periodicals Directory - Bibliographic database; Researcher.Life – Global Journal database; Scite\_ database; KindCongress – World With Science.<sup>7</sup>



Prilog 4. O knjizi *Tvrda kora i krvave brazde*, „Stav“, 2021.

<sup>7</sup> <https://pogledi.cimoshis.org/medunarodne-baze-international-databases/>.



## Obilježavanje značajnih datuma

U 2021. godini obilježen je značajni datum i to:

Centar za istraživanje moderne i savremene historije Tuzla u saradnji sa BZK Preporod Brčko u povodu 25. novembra Dana državnosti Bosne i Hercegovine organizovao je Tribinu: *Značaj ZAVNOBiH-a za državnost Bosne i Hercegovine: 78. godina poslije.*

Izlagач je bio prof. dr. Sead Selimović. Brčko, srijeda, 24. novembra 2021. godine u 18:00 sati.<sup>8</sup>



Prilog 5. *Tribina: Značaj ZAVNOBiH-a za državnost Bosne i Hercegovine: 78. godina poslije (izlaganje prof. dr. Sead Selimović).*

## Promocije publikacija

Značajnu pažnju CIMOSHIS je poklonilo promociji publikacija. Promocije su organizovane pojedinačno, zatim na Petom History Festu u

<sup>8</sup> <https://radiobrcko.ba/vijesti-brcko/zapoccele-svecanosti-povodom-dana-drzavnosti-bih-i-u-brcko-distriktu/>.


Sarajevu, u sklopu tribina, ali i u okviru Naučne manifestacije „Historijski pogledi 4“. U toku 2021. godine promovisane su slijedeće publikacije:

- Predstavljanje časopisa „Historijski pogledi“, god. III, br. 4, Tuzla, 8. april 2021.<sup>9</sup>

Centar za istraživanje moderne i savremene historije Tuzla organizovao je predstavljanje časopisa „Historijski pogledi“, God. III, br. 4, Tuzla 2020, u Hotelu „Minero-Rudar“ Tuzla. Četvrtak, 8. april 2021. u 14 sati.

Promotori: prof. dr. Izet Šabotić i prof. dr. Sead Selimović – glavni i odgovorni urednik. Moderator: mr. sc. Omer Zulić.

Predstavljanje časopisa „Historijski pogledi“, br. 4, održano je uz finansijsku pomoć BH Telecoma (sponzor).



Prilog 6. Promocija časopisa „Historijski pogledi“, br. 4.

- Promocija izdanja Centra za istraživanje moderne i savremene historije Tuzla u okviru Petog History Festa, Sarajevo, subota, 12. juni 2021.

U okviru Petog HISTORY FEST-a koji je održan u Sarajevu, 8. juni - 12. juni 2021. godine u organizaciji Udruženja za modernu historiju/Udruga za modernu povijest Sarajevo održana je Promocija izdanja Centra za istraživanje moderne i savremene historije Tuzla:

- *Drugi korpus Armije Republike Bosne i Hercegovine 1992-1995*, (Sead Selimović, Izet Šabotić), Tuzla 2017, str. 574. (suizdavači).
- *Primjerci suživljenja: Bilješke o tuzlanskom kraju u 19. stoljeću*, (Senaid Hadžić), Tuzla 2017, str. 467.
- *Tojšići od srednjeg vijeka do 1958. godine*, Knjiga I, (Damir Bošnjaković), Tuzla 2018, str. 189.

<sup>9</sup> <https://www.cimoshis.org/2021/04/08/predstavljen-casopis-historijski-pogledi-god-iii-br-4-tuzla-2020/>.

- *Čifčijski odnosi i promjena vlasništva nad zemljom u Bosni i Hercegovini (1878-1918)*, (Izet Šabotić), Tuzla 2019, str. 320.
- *Život, ljudi i događaji: Tuzla na razmeđu 19. i 20. stoljeća*, (Izet Šabotić), Tuzla 2019, str. 383.
- *Migracije i Brčko*, Zbornik radova, Tuzla 2020, str. 400.
- *Tvrda kora i krvave brazde: Agrarna reforma i kolonizacija u Bosni i Hercegovini od 1948. do 1948. godine*, (Izet Šabotić), Tuzla 2021, str. 369.<sup>10</sup>
- Časopis *Historijski pogledi*, god. I, br. 1, Tuzla 2018, str. 364.
- Časopis *Historijski pogledi*, god. II, br. 2, Tuzla 2019, str. 485.
- Časopis *Historijski pogledi*, god. III, br. 3, Tuzla 2020, str. 401.
- Časopis *Historijski pogledi*, god. III, br. 4, Tuzla 2020, str. 366.
- Časopis *Historijski pogledi*, god. IV, br. 5, Tuzla 2021, str. 347.



Prilog 7. Promocija izdanja CIMOSHIS-a Tuzla na Petom HISTORY FESTU, Sarajevo, 12. juni 2021.

Promotori izdanja CIMOSHIS-a Tuzla bili su: prof. dr. Sead Selimović, prof. dr. Izet Šabotić, mr. sc. Omer Zulić, mr. Jasmin Jajčević, mr. Adnan Tinjić, Sarajevo, subota, 12. juni 2021. godine, Hotel „Holiday“ Sarajevo, 12:00 - 13:00 h.<sup>11</sup>

<sup>10</sup> Vidi: [https://intelektualno.com/izet-sabotic-za-intelektualno-com-u-proslosti-je-agrarno-pitanje-na-bosanskohercegovaackom-prostoru-igralo-veoma-znacajnu-ulogu/?fbclid=IwAR1pNwSa1rBFKx6DCL-ifHbEFpFMCSZODmF\\_gXYiyvFDEtL7xySnkfOOhF4](https://intelektualno.com/izet-sabotic-za-intelektualno-com-u-proslosti-je-agrarno-pitanje-na-bosanskohercegovaackom-prostoru-igralo-veoma-znacajnu-ulogu/?fbclid=IwAR1pNwSa1rBFKx6DCL-ifHbEFpFMCSZODmF_gXYiyvFDEtL7xySnkfOOhF4).

<sup>11</sup> Vidi: <https://www.youtube.com/watch?v=KuJBqyqcUc8&t=1982s>.

- Predstavljanje izdanja Centra za istraživanje moderne i savremene historije Tuzla publikovanih u 2021. godine, u okviru Naučne manifestacije „Historijski pogledi 4“, Tuzla, 19. i 20. 11. 2021. godine.

Prvog dana Naučne manifestacije „Historijski pogledi 4“ je održano predstavljanje izdanja Centra za istraživanje moderne i savremene historije Tuzla publikovanih u 2021. godini i to:

- *Za jedinstvo domovine i slavu dinastije: Školstvo u Bosni i Hercegovini za vrijeme Kraljevine Srba, Hvata i Slovenaca*, autor, prof. dr. Seada Selimovića (promotor: prof. dr. Omer Hamzić);
- *Veliki zaokret: Bosna i Hercegovina u vremenu tranzije*, autor, prof. dr. Senaid Hadžić (promotor: prof. dr. Adnan Velagić);
- *Tvrda kora i krave brazde: Agrarna reforma i kolonizacija u Bosni i Hercegovini od 1945. do 1948. godine*, autor, prof. dr. Izet Šabotić, (promotor: dr. Senija Milišić),
- te časopis: *Historijski pogledi*, br. 5. i br. 6. (promotor: prof. dr. Izet Šabotić).

- Predstavljanje izdanja Centra za istraživanje moderne i savremene historije Tuzla publikovanih u 2021. godine, u povodu 25. novembra Dana državnosti Bosne i Hercegovine, Brčko, 24. 11. 2021. godine.

Centar za istraživanje moderne i savremene historije Cimoshis Tuzla u saradnji sa BZK Preporod Brčko u povodu 25. novembra Dana državnosti Bosne i Hercegovine organizovao je predstavljanje izdanja Centra za istraživanje moderne i savremene historije Cimoshis Tuzla publikovanih u 2021. godini.

Promotori: prof. dr. Izet Šabotić, prof. dr. Senaid Hadžić, mr. sc. Omer Zulić, mr. Jasmin Jajčević.



Prilog 8. Promocija izdanja CIMOSHIS-a Tuzla u Brčkom, 24. novembra 2021.

U 2021. godini ostvarena je dobra saradnja Odsjekom za historiju Filozofskog fakulteta Univerziteta u Tuzli, Arhivom Tuzlanskog kantona, Društvom arhivskih zaposlenika TK, te Institutom za društvena i religijska istraživanja, Institutom za istraživanje zločina Univerziteta u Sarajevu, Bošnjačkom zajednicom kulture „Preporod” Brčko, udruženje za modernu historiju Sarajevo i Memorijalni centar Srebrenica-Potočari Spomen obilježje i mezarje za žrtve genocida iz 1995. godine“. U tom smislu, isti su podržavali rad CIMOSHIS-a te se uključivali u određene stručne i druge sadržaje. Prisustvovali su Naučnoj manifestaciji „Historijski pogledi 4“ u okviru koje je održana naučna konferencija „Bosna i Hercegovina i Drugi svjetski rat – 80. godina poslije. Objektivizam ili revizionizam“. Ostvarena je i dobra saradnja sa autorima/historičarima/naučnicima koji su objavljivali svoje radove u okviru časopisa „Historijski pogledi“ i njihovim instucijama.

U 2021. godini potpisani su Sporazumi o saradnji iz oblasti nauke i kulturu i to:

1. *SPORAZUM O SARADNJI IZ OBLASTI NAUKE I KULTURE* između Centra za istraživanje moderne i savremene historije Tuzla i JU Arhiv Tuzlanskog kantona



Prilog 9. *Potpisivanje sporazma o saradnji iz oblasti nauke i kulture između Arhiva TK i CIMOSHIS Tuzla.*

Dana 04. 05. 2021. godine, u prostorijama Arhiva Tuzlanskog kantona potpisan je Sporazum o saradnji iz oblasti nauke i kulture između Centra za istraživanje moderne i savremene historije Tuzla i JU Arhiv Tuzlanskog kantona.

Sporazum su potpisali Izvršni direktor CIMOSHIS Tuzla, prof. dr. Sead Selimović i direktor Arhiva TK, mr. sc. Omer Zulić.

2. *SPORAZUM O SARADNJI IZ OBLASTI NAUKE I KULTURE* između Centra za istraživanje moderne i savremene historije Tuzla i Instituta za društvena i religijska istraživanja Tuzla

Dana 14. 06. 2021. godine, u prostorijama Instituta za društvena i religijska istraživanja Tuzla potpisan je Sporazum o saradnji iz oblasti nauke i kulture između Centra za istraživanje moderne i savremene historije Tuzla i Instituta za društvena i religijska istraživanja Tuzla.



Prilog 10. *Potpisivanje sporazma o saradnji iz oblasti nauke i kulture između Instituta za društvena i religijska istraživanja i CIMOSHIS Tuzla.*

Sporazum su potpisali Izvršni direktor CIMOSHIS Tuzla, prof. dr. Sead Selimović i direktor Instituta za društvena i religijska istraživanja Tuzla, dr. sc. Šefko Sulejmanović.

3. *SPORAZUM O SARADNJI IZ OBLASTI NAUKE I KULTURE* između Centra za istraživanje moderne i savremene historije Tuzla i Memorijalni centar Srebrenica-Potočari Spomen obilježje i mezarje za žrtve genocida iz 1995. godine, 8. 12. 2021.

Sporazum su potpisali Izvršni direktor Cimoshis Tuzla, prof. dr. Izet Šabotić i Ševket Hafizović, predsjedavajući Upravnog odbora Memorijalnog centra Srebrenica-Potočari Spomen obilježje i mezarje za žrtve genocida iz 1995. godine.

4. *SPORAZUM O SARADNJI IZ OBLASTI NAUKE I KULTURE* između Centra za istraživanje moderne i savremene historije Tuzla i Društva arhivskih zaposlenika Tuzlanskog kantona, 15. 12. 2021.

Sporazum su potpisali Izvršni direktor Cimoshis Tuzla, prof. dr. Izet Šabotić i predsjednica Društva arhivskih zaposlenika Tuzlanskog kantona, Selma Isić.

5. *SPORAZUM O SARADNJI IZ OBLASTI NAUKE I KULTURE* između Centra za istraživanje moderne i savremene historije Tuzla i Saveza boraca Patriotske lige Tuzlanskog kantona Tuzla, 23. 12. 2021.

Sporazum su potpisali Izvršni direktor Cimoshis Tuzla, prof. dr. Izet Šabotić i Saveza boraca Patriotske lige Tuzlanskog kantona Tuzla, prof. dr. Salih Kulenović, emeritus.

Sporazumne strane su se usaglasile da zajednički rade na unapređenju, afirmaciji i prezentaciji naučnih i kulturnih vrijednosti kroz realizaciju slijedećih projekata:

- ❖ Učešće i saradnja u realizaciji zajedničkih naučno-istraživačkih i izdavačkih projekata,
- ❖ Saradnja u realizaciji kulturnih sadržaja (izložbe, promocije knjiga),
- ❖ Zajedničko apliciranje za sufinansiranje realizacije projekata sa domaćim i međunarodnim učešćem,
- ❖ Razmjena naučnih i stručnih publikacija,
- ❖ Saradnja na projektima organizacije stručnih i naučnih skupova, konferencija, okruglih stolova i tribina, te ostalim oblicima saradnje. Ostvarena je i dobra saradnja sa autorima/historičarima/naučnicima koji su objavljivali svoje radove u okviru časopisa „Historijski pogledi“ i njihovim institucijama.

Pokrenuta je web stranica: [www.cimoshis.org](http://www.cimoshis.org) i web stranica časopisa *Historijski pogledi*: [www.pogledi.cimoshis.org](http://www.pogledi.cimoshis.org) i facebook stranica: [www.facebook.com/cimoshis.tuzla](http://www.facebook.com/cimoshis.tuzla).

Na osnovu naprijed navedenog može se konstatovati da je Centar za istraživanje moderne i savremene historije Tuzla u 2021. godini uspješno realizovao brojne stručne i naučne sadržaje. Navedeni projekti su rezultat aktivnosti članova Centra za istraživanje moderne i savremene historije Tuzla.

**Mr. Jasmin JAJČEVIĆ**

*Centar za istraživanje moderne i savremene historije Tuzla*

E-mail: [jasmin.jajcevic989@gmail.com](mailto:jasmin.jajcevic989@gmail.com)

ORCID: 0000-0003-0760-6091